

M118: Pfälzer Judeneid

- 0,12 umbe solich guot dâ mich dirrer man umbe hât beklaget .
0,13 daz en weiz ich . noch en hân es niet . noch nechein
0,14 mîn gewalt . in erden . verborgen . noch in mûren vermûret .
0,15 noch mit slüzzelen beslozzen . sô dir genâde der got Abrahames .
0,16 Isaakes . unde Jakobes . unde der selbe got . der
0,17 loup unde gras hât geschaffen . daz êr . niet en was . beide
0,18 wâc unde luft . himel und erden . daz dû unschuldic bist .
0,19 des dich dirrer man zîhet . unde sô dir genâde Adonay .
0,20 unde sîn gewaltigiu goteheit . unde sô dir helfe diu êwe
0,21 die got gap hêren Moysi . an den steinînen tavelen . ûfe
0,22 monte Synay . und obe dû her umbe schuldic sîst . des dich
0,23 dirrer man zîhet . sô müeze dich ane gên . diu selbe miselsuht .
0,24 die Naaman an ime hâte . unde Gezi ane gienc . unde sô
0,25 müeze dich verbrennen . daz selbe himelische viur . daz Chorê
0,26 Datan und Abiron . und die mit in verbrunnen . verdarbte .
0,27 unde sô dû iemer genesest in deme jungesten urteile . dâ
0,28 kristenen unde juden erstên solen . daz dû unschuldic bist .
0,29 des dich dirrer man zîhet . sô dû iemer grüene werdes .
0,30 unde sô dîn griez . iemer kume zuo anderme grieze .
0,31 unde sô dîn griez iemer kume in den barn Abrahames .